

ИРХ ЦАГИН ГЕРЛТÄ ХААЛГЪ

Сарпинск района Чапаевин пертә совхозин көдләчир, тосхачир, малчир, механизатормуд Н. С. Хрущевин кех докладин тезисмүдиг ик өргмдж-тәгъяр тосцхав.

Тосхачир дунд болсн хургт прораб Иван Михайлович Тюриков босдж үг келв:

— КПСС-н XX-ч хургин хөөн мана энъкр Төрскнә селәнә эдл-ахуд болн промышленн тосхлтд ик хүврлт гарв. Ода, КПСС-н XXI-ч хургт «1959—1965 джилмүдт СССР-н олиәмтнә эдл-ахун делгрлтин контрольн тоогъин тускар» үр Н. С. Хрущевин кех докладин тезисмүд ончта үнтә документ мөн. Эн — мана ирх цагин герлтә хаалгъ.

Бидн, тосхачир, 1959 джилин январь сард болх хургиг уктдж ним даалгъвр авчанавди: январин негшин күртл больницин гер, өдмг болгъдг гер, хойр улан шугъу эдлврт өгнәвди, ташр деерн 6 кошар бәрдж дууснавди.

Үр Тюриковин келсиг дөнъндж урч Хахиров Борис, бригадир Байдук Петр босдж үг келцхав.

Комсомолец Аркадий Убушнев пи-

лорамад өрүн әртәс ави, асхн ора күртл көдлдж, тосхлтиг кергтә нило-материалар теткдјәнә.

Совхозин ах хөөч Иван Васильевич Блиняев шидр хө өскәчирин республиканск хургт орцла, эврәнн көдлмшин дамштан цуг хөөчирлә республиканск трибун деерәс хуацла. КПСС-н XXI-ч хург уктдж, үр Блиняев И. В. хургълх зун хөн болгънас 125 хургъ, хөн болгънас 6 килограмм ноос киргъдж авх болдж үгән өгв.

Ах хөөч коммунист Иван Лахаев үвләнъгдән сәәнәр белдәд, кошаран дулалад, үвләнъгүрн 200 тонн өвс эврәнн чидлар зөөдж аво.

Тосхачир, хөөчирәс механизатормуд чиги ард үлддж бәәхш.

Эн джил тракторист Дорджиев Сандж 3.143 гектар өвс хадв, тракторист-комбайнер В. И. Чесовских 950 гектар газр хагълв, буудя хуа-лгъна цагла 28 өдрин эргцд 644 гектар гәрә хурав, шофер коммунист В. М. Прохватов эн джилин эклцәс ави 87.000 тонн-километрт машин-гъярн йовад, 765 тонн аца зөөв.

А. БАЛАНЕВ.